

Bosna i Hercegovina  
Federacija Bosne i Hercegovine  
KANTON SARAJEVO  
KANTONALNA JAVNA USTANOVA  
„GERONTOLOŠKI CENTAR“  
S A R A J E V O

Broj: 17-2133/23.  
Sarajevo, 04.08.2023.god.

Na osnovu Sporazuma o dodatku na platu u 2023.godini („Službene novine Kantona Sarajevo“, broj: 11/23), člana 42. stav (1) alineja m) i člana 45. Pravila Kantonalne javne ustanove „Gerontološki centar“, broj: 07-1070/13 od 26.11.2013.godine, broj: 13-999/19 od 15.07.2019. godine i broj: 16-1739/22 od 05.12.2022. godine, člana 98. stav (1) Pravilnika o radu sa unutrašnjom organizacijom i sistematizacijom poslova KJU „Gerontološki centar“, broj: 16-1838/22 od 22.12.2022.godine, direktor Kantonalne javne ustanove „Gerontološki centar“, d o n o s i:

### **O D L U K U**

**o obračunu i isplati dodatka na platu u 2023. godini**  
zaposlenicima Kantonalne javne ustanove „Gerontološki centar“

1. Svim zaposlenicima Kantonalne javne ustanove „Gerontološki centar“, **za period od 01.08.2023. – 31.12.2023. godine**, obračunati mjesečni dodatak na platu u neto iznosu od **100,00 KM** (stotinu konvertibilnih maraka).
2. Zaposlenicima čija je osnovna plata niža od 70% prosječne neto plate isplaćene u Federaciji BiH u protekla tri mjeseca prema zadnjem objavljenom statističkom podatku (zagarantovana plata), dodatak na platu iz stava 1. ove Odluke obračunat će se na iznos zagarantovane plate.
3. Dodatak na platu iz stava 1. ove Odluke će biti isplaćen kada se za to steknu uslovi, odnosno kada se obezbijede finansijska sredstva za tu namjenu.
4. Dodatak na platu iz stava 1. ove Odluke ne smatra se stečenim pravom radnika u smislu važećeg kolektivnog ugovora.
5. Za realizaciju ove Odluke zadužuje se Služba materijalno-finansijskih i računovodstvenih poslova Gerontološkog centra.
6. Ova Odluka stupa na snagu danom donošenja.

### **O b r a z l o ž e n j e:**

Sporazumom o dodatku na platu u 2023.godini („Službene novine Kantona Sarajevo“, broj: 11/23), koji je zaključen između Vlade Kantona Sarajevo i predstavnika pet sindikata radnika koji platu primaju iz Budžeta Kantona Sarajevo, među kojima je i predstavnik Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH – Kantonalni koordinacioni odbor Sarajevo, kojem pripada Sindikalna organizacija radnika Kantonalne javne ustanove „Gerontološki centar“, dogovoren je obračun i isplata mjesečnog dodatka na platu tokom 2023.godine u neto iznosu od 100,00 KM. Cilj Sporazuma je da se osigura finansijska i materijalna podrška i poboljšanje materijalnog statusa radnika usljed rasta indeksa potrošačkih cijena.

Zaposlenici KJU „Gerontološki centar“ ne primaju platu iz Budžeta Kantona Sarajevo, međutim Sindikalna organizacija ustanove je članica Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH – Kantonalni koordinacioni odbor Sarajevo, te se samim tim Sporazum o dodatku na platu u 2023.godini odnosi i na zaposlenike KJU „Gerontološki centar“.

Zbog teške finansijske situacije u kojoj se nalazi KJU „Gerontološki centar“ i gubitka u poslovanju u prvih šest mjeseci, nije moguće osigurati finansijska sredstva za isplatu dodatka na platu za cijelu 2023.godinu, te će se obračun mjesečnog dodatka na platu u neto iznosu od 100,00 KM izvršiti počev od 01.08. do 31.12.2023.godine, a isplata istog će se izvršiti kada se za to steknu uslovi, odnosno kada se obezbijede finansijska sredstva za tu namjenu.

Iako trenutna finansijska situacija KJU „Gerontološki centar“ nije povoljna, dodatkom na platu KJU „Gerontološki centar“ nastoji da svojim zaposlenicima osigura finansijsku i materijalnu podršku i poboljšanje njihovog materijalnog statusa usljed rasta indeksa potrošačkih cijena.

Slijedom svega naprijed navedenog odlučeno je kao u dispozitivu.

Dostavljeno:

1x Sl.fin.račun.posl.Gerontološkog centra

1x Sl.za pravne i opće poslove Gerontološkog centra

1x a/a



DIREKTOR

Mirza Musa